

摘藻堂四庫全書薈要

史部

欽定四庫全書叢要

史部  
硃批諭旨卷七之二

詳校官編修臣繆晉

欽定四庫全書薈要卷七千八百七十八

史部

硃批諭旨卷七之二

硃批孔毓珣奏摺

雍正三年二月二十五日兩廣總督臣孔毓珣謹

奏為回奏事竊臣接奉

皇上發下正白旗漢軍副都統金鐸摺奏廣東巡海條  
陳一件奉有

硃批臣謹查康熙五十六年以前廣東巡海舊例原係

於南澳碣石兩鎮內一年輪委一員為總巡誠如  
金鐸所奏海道綿長顧此失彼前去後空有名無  
實於五十七年即經更定南澳為閩粵交界瓊州  
孤懸海外南澳總兵及瓊州水師副將各帶標員  
專巡本管洋面自南澳而西平海營而東分為東  
路以碣石總兵澄海水師副將輪為統巡帶領鎮  
協標員及海門達濠平海等營員為分巡自大鵬  
營而西廣海寨而東分為中路以虎門香山二協

水師副將輪為統巡帶領二協標員及大鵬廣海  
二營遊守為分巡自春江協而西龍門協而東分  
為西路以春江龍門二協水師副將輪為統巡帶  
領二協標員及電白吳州海安碭洲等營員為分  
巡每年自二月至五月為一班六月至九月為一  
班統巡分巡俱輪流更換逐年兩次

題報是各鎮協營派出分巡官止專巡本管洋面不  
隨統巡官遠去不至顧此失彼而向之僅有一員

總巡者今已定有六員不至前去後空遇外洋失  
事則本管之分巡官與輪委之統巡官一併叅處  
無可推諉矣金鐸所奏可無庸置議臣惟嚴飭統  
巡分巡各官實力巡查以靖海洋理合回

奏并繳

硃批原摺臣謹

奏

所言得理金鐸之奏朕意原在可否之間故命爾詳悉

斟酌也

今春萬際瑞到京面奏海洋統巡無益與金鐸所奏大  
既相仿所以朕面諭伊到廣與爾商酌具奏及伊出京  
後復博訪多人皆云統巡於海洋大有裨益始知萬際  
瑞前言並非深知灼見之論隨另降諭旨發萬際瑞矣  
今覽爾此摺所奏殊屬得中萬際瑞若固執已見於事  
無益自應仍循舊例為是

聞陳良弼黃助皆諳練海洋宜悉心與之共商不可惑

於一偏之論前陳良弼進摺條奏巡哨事宜適值萬際瑞在都彼時朕是萬際瑞之論不取陳良弼所奏因於伊摺內批諭統巡尚屬無益正在斟酌欲行停止何況巡哨事宜耶今萬際瑞之論既不周詳陳良弼所論或有可採爾向伊明白諮詢詳悉斟酌然後具奏仍諭萬際瑞不可膠固不過講求地方事宜得當並非於此較優劣也朕因不達海洋情形但觀條奏皆似有理所以搖搖未能決定爾須代朕博訪廣求審思熟籌務得準



的若亦不能洞悉機宜寧遲日月無妨也更與楊文乾陳良弼黃助萬際瑞等平心和衷詳議會奏以聞

同日又

奏為奏明事竊照高雷廉總兵蘭佳進素日聲名不好亦不留心營伍上年臣到任後委員查點各營兵馬該鎮標兵丁技藝生疎該鎮來肇見臣臣面加勸戒冀其自新至十一月間該鎮呈報親往所屬各營查驗兵馬船隻臣意其從此振拔整頓後

訪聞該鎮所到之處百般勒索屬員難受共議餽  
送每營八百四百三百二百兩不等官兵交怨貪  
婪殊甚現在列疏

題叅仰懇

皇上重加議處懲一儆百則邊海營將各知凜惕矣理  
合具摺

奏明臣謹

奏

另有嚴旨諭部此等不法劣員豈可一日姑容所叅甚是

兩廣總督臣孔毓珣廣東巡撫臣年希堯提督臣董象緯謹

奏為奏

聞事竊據廣東龍門營縣稟報龍門營千總劉貴隨帶跟丁巡查地方於雍正二年十二月二十二日行觀此疎忽光景皆因平日未悉地方情形故耳至鬼盖山地方途遇三人形跡詭異千總當即鎖

雖云

增城一帶俱係高山峻嶺接連韶州府屬之英德

不多亦未必少

翁源等縣山場此夥賊徒雖屬無多誠恐四路逃

匿臣等分飭各營縣嚴行緝拏并委肇慶協副將  
李斯援帶領督標弁兵廣南韶道戴綸督率營縣  
搜捕節次據報拏獲賊犯唐友興等三十二人現

在四面極力搜捕餘黨究審為首及下手殺人之

犯一面

緝獲此等大案賊犯或慮疎虞究審明白即一面正法

一面題請正法并將傷故弁兵家口重加卹賞外所有龍

門營千總劉貴捕賊傷故情由合先會摺奏

謝蓋恐爾等不分輕重緩急聚不構成例之謂耳總在

聞再臣等身任封疆致弁兵被賊傷故臣等罪實難逭

奏明臣等謹會

奏

地方上凡遇此等事件但要據實奏聞何罪之有若隱諱支飾則反獲罪於朕矣總之上下內外互相推誠不欺毫無隔礙以期協於至當何愁庶務不就理耶勉之  
雍正三年四月初一日兩廣總督臣孔毓珣謹

奏為奏報雨水米價事竊查廣東自上年冬月至今春正月雨水畧少自二月十九日起大雨三日此後或三日一雨或五日一雨高低田地盡得栽插

苗禾茂盛廣肇二府米價每石九錢八錢不等外  
府米價每石七錢八錢不等廣西各府雨水亦足  
俱得及時播種豐年有兆萬姓歡騰理合

奏報臣謹

奏

覽奏深為欣悅

雍正三年六月二十八日兩廣總督臣孔毓珣謹  
奏為奏明事竊廣西賀縣蕉木等山出產礦砂向有

礦徒偷挖臣在廣西任內曾會同提臣韓良輔

奏請添兵巡防復蒙

皇上聖鑒察知為首礦徒係連山縣之梁老二

諭令查緝臣細查梁老二本名聶維寬嚴行連山文武

緝拏詎該犯逃匿廣西更名高奇相串結賀縣為

首礦徒陳秀華偷開癩頭嶺錫山富賀營守備胡

起龍帶兵擒捕傷斃礦徒二十九名生擒八名餘

即逃散兵丁亦被礦徒傷斃三人臣據報嚴飭搜



捕并提到現犯親訊供出為首係陳秀華聶維寬  
二人臣隨嚴檄緝拏於本年六月十五日據三江  
副將彭成將聶維寬陳秀華獲解到案復加細訊  
據二犯自認為首不諱供出同夥六十一人查陸  
續拏獲并當場殺死之犯共四十八名尚有未獲  
之犯一十三名首犯既獲將來礦徒自當斂跡現  
將獲犯押解廣西按察司確審招解撫臣李紱覆  
審具

題再廣東龍門營千總劉貴捕賊受傷身故臣已將

情形會

或未必止有此數

奏同夥四十二人俱經全獲臣即照限叅處疎防聽

是

撫臣審題值撫臣年希堯陞任盜犯未便久羈臣  
帶理撫篆即行審題請

旨正法臣叨授總督重任地方盜賊礦徒不能消弭致  
有損傷官兵之事罪實難寬惟有嚴行緝捕不使  
漏網以盖前愆於萬一理合繕摺

奏明臣謹

奏

兩省遼潤何能保得地方竟無一事但只據實無隱朕  
不罪也遇此惟以嚴緝務獲為要斷不可潛消暗滅希  
圖掩蓋不令朕聞

雍正三年七月二十六日兩廣總督臣孔毓珣謹  
奏為奏

聞事竊照廣東按察使宋瑋才守兼優勤慎明白於上

年十一月間身患虛弱之症而刑名事務勉力辦理案件無悞奈精神氣力尚未平復行走未能便捷又廣東布政使朱絳歷練勤敏才具優長於本年五月間忽染風痰之症調治半月已能坐立力疾辦事並無遲悞庫項清楚今尚力弱腿軟難於步履臣念二員俱屬有用之才方在壯年不忍遽行題請解任但藩臬管理通省責任匪輕二臣抱恙未愈恐有貽悞之處臣擬再令調治一月如仍

不能痊可即

題請解任調治合先奏

聞臣謹

奏

朕有旨調宋瑋來一見今既身染疾病且不必令其赴京調治平復然後令其前來可也必俟大愈途中可以步履方令起程北上切勿任伊勉強扶病而行甚屬可惜之人也

同日又

奏為奏明交代撫篆事竊廣東撫臣年希堯陞任臣  
於五月二十二日循例署篆赴省駐劄嗣聞新任  
撫臣楊文乾將次入境臣於七月初一日齎送印  
信俱經

題報在案俟新撫臣到省臣恭請

聖安再面行交代即具疏奏請

陞見然後回肇慶府臣駐劄衙門料理案件候

旨起程以遂瞻

天仰

聖之願其臣署篆經管太平粵海兩關稅務俟遠近報  
齊之日將經收正稅羨餘數目具摺逐一奏

聞臣謹

奏

陛見之行且可不必俟楊文乾熟練地方情形之後朕  
另有諭旨

雍正三年九月初九日兩廣總督臣孔毓珣謹  
奏為恭聆

天語叩謝

聖恩事本年八月十二日瓊州總兵臣萬際瑞

陞見回粵面傳

上諭朕未見孔毓珣之面亦並無人在朕前保舉因聞  
其居官聲名好所以將伊重用可傳諭伊知悉當益  
加勉勵欽此臣跪聽之下不禁感激涕零臣已疏請



陛見俟奉

旨到日趨赴

闕廷叩謝

天恩合先具摺奏

謝至奉

上諭營伍事宜萬際瑞已陞廣東提督俟其到任會商  
舉行合併

奏明臣謹

奏

朕實於章奏之間得知爾之居心行事又無採聽輿論  
言是者多所以如此信任從未有入著意於朕前稱譽  
者因此更見卿之孤介不事夤緣宜乎邀朕之見重也  
勉之

同日又

奏為奏明料理被水地方事宜竊照廣東之廣州  
肇慶二府沿河低窪田地兩岸築有圍基以禦水

患七月初旬大雨連綿至七月二十一二三等日  
廣西諸水及廣東南韶等府山水湧至歸海不及  
以致高要高明四會三水南海五縣低處圍基水  
漫基面基隨水卸田禾淹沒房屋亦間有倒塌並  
未損傷人口幸離海不遠數日即漸消退臣於八  
月初三日自省旋肇沿途親驗漫溢處所田已漸  
次涸出勸民補種晚禾如晚禾補種不及則多栽  
豆麥雜糧臣身不能親到者委員分路查勘撫卹

一面將被水情形

題報在案臣查圍基所以保護民田向係圍內有田之家按田出夫修築但被水之後恐民力不繼臣委員往廣西採買米石并看驗圍基根脚有水急衝深之處應用椿木者亦差員採買俟逐一備齊分貯工所十月間農隙之時分段委員按照應築土方傳集圍內有田之家合力工作仍按人按日給以飯米不必百姓費錢止須出力自樂趨事不

過兩月之內可以竣工至早禾收穫未久八九月間尚不缺血冬底明春不能無缺臣擬臨時酌動各縣新行社倉穀石賑濟倘社穀不敷再借支常平倉穀令於來年秋收還倉臣惟有隨時布置以仰副

皇上子惠元元務使窮民得所至意所有臣料理被水地方事宜理合具摺奏

聞臣謹

奏

圍基被水情節知道了力所能者權宜辦理如力有未逮不必拮据從事酌量應題請者具疏應摺奏者摺奏以聞朕不愆恩施卿之實心任事辦理有方朕實嘉之勉為之

同日又

奏為奏明復署撫篆事竊七月二十九日撫臣楊文乾到任臣恭請

聖安一應署篆事務面行交代八月初三日疏請

陛見回肇候

旨初七日忽聞撫臣楊文乾丁憂復將印務交送到臣  
臣因一身管理督撫鹽政兩關五篆惟恐心力不  
周當即

題明將巡撫印務交送將軍臣李杕署理乃將軍臣  
此乃李杕不是所見左矣李杕以有礙定例復行

題明將撫篆送回臣又恐遲一日則曠一日之事於

八月十二日仍行接理盡臣心力加緊兼辦以候

應如是

新撫臣到日交代也再巡撫衙門兼管粵海太平  
兩關徵收關稅原有火耗除分給各關口巡攔橋  
兵書役人等工食外太平關計有加一火耗粵海  
關計有加二火耗從前不入贏餘之內臣查雷州  
府屬東洋堤閘於雍正元年八月間被颶風海潮  
衝倒

題報在案因堤長三千丈閘大小二十餘座工力浩



繁未得修築臣先署撫篆查撫臣年希堯任內尚有存貯罰贖銀兩湊入臣兩關所得火耗即於七月十五日委雷瓊道王璠廉州同知施上治齎往工所募夫興修約十二月內可以完工又因七月內南海三水高要高明四會等五縣地方圍基衝漫即以火耗湊買飯米椿木率民興工以上二起工程不敢絲毫累民亦不令屬官幫出分文即以皇上賞給臣下之火耗為

皇上辦理地方公事合併

奏明臣謹

奏

以公完公極好之事料理甚屬可嘉

同日又

奏為奏明到粵外國洋船事竊照本年六月初四初  
五十五等日到暎咭喇國洋船三隻所載俱係黑  
鉛番錢哆囉啤吱等貨七月初四日到法蘭西洋

船一隻所載黑鉛番錢羽緞哆囉等貨七月十七日到暎咭喇國洋船一隻哥沙國洋船一隻咖喇吧國洋船一隻所載胡椒蘇木檀香等貨七月十八日到嗎吧喇斯國洋船一隻二十八日到暎咭喇國洋船二隻所載係胡椒檀香黑鉛番錢等貨以上六七月共到外國洋船十隻俱灣泊黃埔地方委員彈壓稽查不許內地閒雜人等擅入夷船生事併嚴飭牙行通事人等貿易貨物公平交易

務在年內乘風信盡令開發歸國所有到粵外國  
洋船數目理合

奏報臣謹

奏

知道了嚴加約束稽查不可仍令沿襲故套

雍正三年十一月初十日兩廣總督臣孔毓珣謹  
奏為奏明事竊臣一介庸愚荷蒙

皇上知遇隆恩臣即捐糜頂踵難報萬一奈事出無心

實干重罪悔愧驚懼不知所措緣雍正二年九月  
內年羹堯遣人至伊兄廣東巡撫年希堯處託年  
希堯代買紫檀木二百擔并託臣代買紫檀木二  
百擔臣一時應允及後年希堯買木之時臣亦墊  
銀七百六十兩買紫檀木二百擔大小計四十一  
根差人運送訖臣不料年羹堯大負

聖恩罪惡滔天與之代買代運罪實難逭臣愚昧無知  
不能預料於事先理合據實

奏明認罪臣謹

奏

此等過失朕豈有不諒之理並不嗔責爾也年羹堯負朕深恩乃敢如此不法不但爾未料及實出朕之意外爾非黨附下流輩之可比朕雖未睹爾面深悉爾之居心為人為伊買木一事毫不必繫懷朕無識人之明悞寵匪類正自引咎不暇何顏復株連無辜此奏知道了朕從無心口互異之言日久天下臣民自當了然洞悉

也

雍正三年十一月十五日兩廣總督臣孔毓珣謹  
奏為奏報晚禾收成米糧價值事竊照廣東今歲晚  
禾除廣肇二府屬之南海高要等五縣因七月間  
山水陡發圍基漫溢田禾淹沒經臣勘明具

題在案此五縣內圍基未溢處所仍係豐收高雷廉  
三府屬因雍正元年塘倒鹹潮淹浸之處尚不能  
種植餘則大熟惠州府屬之海豐縣潮州府屬之

普寧饒平二縣今年雨水稍多收成畧薄亦不成  
災其餘各府州縣俱係豐熟合計通省收成約有  
七分米價細米每石九錢粗米每石八錢廣西收  
成據報九分八分不等米價每石七錢六錢不等  
再南海等五縣衝決圍基有將次築完者有築至  
五六分者雷州府海塘堤閘亦有一半工程歲內  
俱可完工合併奏

聞臣謹



奏

收成米價情形知道了其圍基海塘等處工程不可有名無實當務一勞永逸為之方好不然築猶未築於民仍屬無益也

同日又

奏為轉奏事案照文武官員凡有面奉

諭旨令該員繕寫具摺進

呈如不應具摺之官封固交該上司轉奏等因欽遵

在案今據廣東瓊州府知府岳綸呈稱將面奉諭旨繕摺封固交臣代為恭

進前來理合遵

旨進

呈謹

奏

將岳綸原摺發回爾看內折角處字句差謬乃至如此不通且所記之語與朕諭大相懸殊此人甚屬粗率愚

拙伊本部堂官及王大臣等並無奏伊好者因差往天津山東等處截漕回京復命猶似老成無欺朕棄短取長補授外郡雖經補用恐其不克勝任今覽此奏摺洵非通達事體之人爾察其在任如不能供職有貽悞處即行叅奏疏內不必援引此旨若尚可姑留其嚴加飭諭令伊重寫另摺奏來

同日又

奏為恭繳

硃批奏摺事竊臣兩次奉到

硃批奏摺八扣理合恭繳再臣前奏廣東按察使宋瑋  
現患弱病奉

旨着宋瑋調理好日再令起程來京因宋瑋已於九月  
初九日起程臣接內閣行文遣員趕往前途臣齋  
摺差員先於江西萬安縣地方遇見宋瑋將原奉  
上諭交給宋瑋欽遵緩緩而行隨據宋瑋呈稱病已漸  
愈并請代為謝

恩前來臣即具

題代

謝在案合併聲明臣謹

奏

覽奏知宋瑋病已漸愈朕甚愉悅萬際璋朱絳二員好  
官殊為可惜

雍正四年二月十二日兩廣總督臣孔毓珣謹

奏為

聖遇獨隆感激難名事本年十一月十四日臣齋摺人

回粵奉到

硃批蒙

皇上以孤介二字許臣又蒙

頒賜哈密瓜二個臣望

闕叩頭謝

恩跪讀領受訖欽惟

皇上聰明睿智超越千古凡大小臣工賢否誠偽無一

不入

聖明照鑒之中而臣區區愚悃更邀

聖上鑒察聆

天語之褒嘉嘗

上方之珍味感激涕零臣益懼有忝職守上負

聖明特達之知則臣罪滋大惟朝夕儆惕益加勉勵以  
圖報効耳為此具摺叩

謝臣謹

奏

朕向在藩邸時自信然諾不苟每以心口互異匿怨交人為耻今君臨萬邦而反以權術御下必無是理日久天下臣工自然洞悉朕之居心也君臣之間惟以推誠為貴朕與卿等期共勉之

同日又

奏為奏報鹽課事竊兩廣鹽課東餉西稅每年額徵銀五十萬三千四百餘兩今據兩省鹽道造報雍



正二年課銀已徵完四十六萬四千四十兩零未  
完銀三萬九千四百兩現在催徵計已完九分以  
上又雍正二年分廣東收鹽羨餘銀七萬七百一  
十九兩零廣西官銷羨餘銀五萬四千六十兩零  
二共羨餘銀一十二萬四千七百七十九兩零俱  
經臣具

題在案合併

奏明臣謹

奏

覽奏鹽課已悉國計民生輕重均屬相等若過偏則為  
弊政萬萬不可其秉公勉為之

同日又

奏為奏

聞事廣東布政使常賚於雍正四年正月十九日到任

二月初八日到肇慶見臣臣見其舉動謙和見事

此語甚可嘉

明白將來歷練熟習自能料理政務有益地方仰

見

皇上用人之當理合具摺奏

聞臣謹

奏

常資資質頗好可以造就之人但要伊自能加勉始終  
無間則其增長何可限量耶

同日又

奏為敬聆

上諭感激陳情事竊新任廣東布政使臣常賚到肇口  
傳面奉

上諭臣跪聽之下一一欽遵外伏念臣一介庸材愆尤  
日積蒙

皇上曲宥矜全屢荷

溫旨慰諭臣銘勒五中感激無地惟有盡心竭力料理  
地方生生世世永圖報効而已臣之屢請

陛見者緣臣今年五十九歲非少壯可比受

皇上特達之知未獲面覲

天顏叩謝

洪恩實寢食夢寐為之不寧今傳奉

上諭臣不敢即具疏復請但臣總督衙門每年冬春二季最為緊要而夏秋次之仰懇

聖恩憐臣誠惓於夏秋之間調臣

陛見倘蒙

俞允并懇

欽定可以署理之員俾得遵

旨交送印務合併奏

聞臣謹

奏

陛見之行且緩楊文乾到任伊始其報効之志辦理之才固不必言或恐其過於勇往直前急求奏效反致有不妥帖處須稍遲時日歷練諸務候有旨召卿來時總督印務即命楊文乾暫行署理也

同日又

奏為奏明西洋使臣回國日期事竊西洋教化王臣  
伯納地哆於上年六月間遣使臣噶噠都易德豐  
進

貢臣委標下千總李成明護送赴京蒙

皇上優加賞賜遣員送回於雍正三年十二月二十五  
日回到廣東省城值法蘭西夷船到粵貿易回帆  
使臣等即齎捧

賜物搭法蘭西夷船開行回國訖住省西洋人仰沐  
隆恩無不感激愛戴所有搭船回國日期理合

奏明臣謹

奏

知道了遠夷慕化而來惟宜示以恩德萬不可與之爭  
利切記

同日又

奏為奏明事竊照廣東之南海三水高要高明四會



五縣上年七月內被水秋冬之間米價頗平至冬  
底春初日漸增長每石價至一兩以外臣即斟酌  
將被水村庄社倉所儲穀石本村之民支用外但  
積穀無幾難以徧及窮民查存倉穀石例應存七  
糶三臣到任時見地氣潮濕倉穀久貯必致浥爛  
經具疏

題請每年春夏兩季兵米即於應糶三穀內碾米支  
給秋收徵穀還倉支給餘剩穀石照例平糶奉

旨俞允因上年初行衛所奉裁多有先徵米石給兵者

未及赴倉碾穀又值米價平賤亦無人願買倉穀  
所以應碾者未碾而應糶者未糶臣見此時米貴  
將本年應碾給兵之外應糶者及時減價平糶并  
將上年未碾未糶之穀一併陸續平糶以惠窮民  
至五六月間即接早稻收成或早稻未收之先米  
價已平即可停止庶窮民免食貴粟而倉穀亦得  
出陳易新

國計民生均有裨益緣遵糴三之例不另具  
因時制宜以濟民艱正爾職分中事此舉甚好  
題理合

奏明再雷州海塘雍正元年被颶風潮漲衝壞三千  
餘丈石閘一十五座臣已委雷瓊道王璠等帶員  
分界督修其南海高要等五縣圍基臣委各地方  
正雜官并發粵試用知縣等分圍督修照河工之  
式製備木夯石礮分發各工教以使用之法每挑  
土一層必用水濕透以夯礮築實使新土舊土粘

此係

合開熱諸之事可為一處層層如是但

雷州創始之師

海邊土性帶沙

遇大雨

亦可傷損臣令堤上及

兩傍此亦固堤之一法

掘取帶有草根之土

加上春雨降時草根生發草長根結則堤土可固

又廣東有一種榕樹其根最多傍水可生臣於三

栽樹

水縣圍基險要頂衝地方委署印知縣喬振先栽  
生根更好但收功不易未必得實心處行之人

植榕樹三處試驗抵禦水浪俟有效驗即陸續栽

植各工於十一十二兩月內節次俱報竣工尚有

原未衝決而低薄者臣亦酌發錢米幫築高厚仰

賴

皇上聖德格天川瀆安瀾海潮不至漲溢自可永保堅

固矣臣謹

奏

覽

雍正四年四月二十二日兩廣總督臣孔毓珣謹  
奏為奏報雨水米價事竊照廣東廣肇二府屬之南  
海高要等縣上年被水業經

題奏奉

旨蠲免錢糧發倉賑濟其惠州府屬之海豐縣碣石衛  
潮州府屬之海揭等縣因去年秋雨稍多雖未成  
災收成減薄又因今春陰雨連綿天氣寒冷民間  
所播穀種不得發芽有穀之家藏匿不賣米價陡  
長廣州府屬每石一兩三四錢至六七錢不等惠  
州府海豐縣碣石衛每石二兩五六錢潮州府屬  
及南澳地方每石二兩八九錢及三兩不等臣等

即將糶三倉穀及上年未糶之穀通行發糶又撥  
惠州府倉應碾三穀石催備海船運赴碣石海豐  
減價平糶再撥惠州府屬之長樂興寧二縣倉穀  
由內河運至潮州府城及南澳平糶幸三月二十  
二日起天氣晴霽和暖禾苗已俱栽插看來頗覺  
茂盛將來早稻豐收則百姓安享樂利矣至於南  
韶高廉等府上年原未被水米價俱平再廣東場  
鹽全賴日色曬成自去秋至今春陰雨日多場鹽

亦少合併

奏明臣謹

奏

所奏知道了秋成難以預期諸凡當早為料理寧可備而不用毋至用而不備也

同日又

奏為奏報廣西米價事竊廣西舊歲原屬豐收惟臨江州縣間有被水之處亦不為害因今歲春季陰



雨寒冷兼以商販搬運米價較前稍貴合筭倉石  
桂林府每石一兩柳州南寧太平等府每石八錢  
九錢不等梧州府每石一兩三四錢不等撫臣汪  
澂照存七糶三之例現將倉穀通行平糶目下天  
氣晴暖稻苗茂盛栽插將遍理合

奏明臣謹

奏

知道了廣西積貯尚屬有餘似可以無慮

同日又

奏為奏

聞事竊廣東去歲秋收歉薄今春米糧漸貴經臣一面奏明將應糴三之穀發出平糴一面通飭遵行臣駐劄肇慶自二月初一日起每逢三六九等日每穀一石定價四錢二分零星平糴廣州南海三水二縣四鄉亦發倉穀平糴省城內係撫臣楊文乾自赴廣西採買米穀并廣東連州清遠等處買穀平

糴至三月二十八九等日商船到省甚少米價陡  
長至一兩八九錢以至二兩省城關傳云巡撫攔  
截穀船用官價強買平糴以致米穀不敢來省於  
三十日男婦老幼齊集多人在巡撫轅門求免官  
糴俾四路米穀放心前來米價可平始而擁集轅  
門懇求經管門人役趕逐繼則人多勢衆擁集大  
堂將公案執事打壞撫標兵丁進往擒拏現獲數  
十人衆人至晚方散當日責釋二十餘人尚留十

一人官糴停止米價亦漸平減適臣於四月初四日到省會盤藩庫據巡撫楊文乾面說拏獲人內有將軍綠旗兵丁一名旗下人數名據將軍李秋說壯丁冊內並無各人名姓巡撫現在發審理合奏

聞臣謹

奏

此奏未得事之真情業已遣部院堂官前往查審矣

雍正四年五月二十八日兩廣總督臣孔毓珣謹  
奏為微臣幸遂瞻

天之願踴躍難名事雍正四年五月二十六日接吏部  
文開奉

上諭兩廣總督孔毓珣素諳河工事務伊從前屢請陞  
見今准其來京著先至河上詳勘水勢協同齊蘇勒  
將河工通盤修理事宜細加商酌妥議後請旨來京  
兩廣總督印務著兵部侍郎阿克敦前往署理孔毓

珣俟阿克敦到廣後方行起身欽此臣聞

命之下喜不自勝遵俟阿克敦到日臣將地方情形經  
手事務面相交代趨赴河工協同齊蘇勒將朱家  
口漫溢處所及通盤修理事宜商酌妥議敬請

皇上訓旨面叩

天顏恭聆

聖訓合先具

奏臣謹

奏

如近日河工情景原可以不必令爾前往看視但總係北來便道至彼與齊蘇勒商酌一番亦未必無益

同日又

奏為奏報早禾豐盛事竊照廣東去秋薄收今春陰雨連綿米價漸貴幸三月二十二日晴霽自後五風十雨田禾勃發秀茂結實勝於往年早者現在收割遲者不過二十日內可以收齊恐厯

聖懷理合奏

聞再春初米價漸貴經臣

奏明將應糶三倉穀并舊應糶未糶之穀開倉平糶

臣駐劄之肇慶每倉穀一石定價四錢二分近城  
者分廠糶賣鄉間及被水地方撥載穀石就地平  
糶自二月初一日起至四月二十五日止共糶過  
貯府倉穀四萬六千三百石零飭將穀價貯庫俟  
秋收買穀還倉再高要南海等五縣被水處所蒙



聖恩豁免錢糧又蒙賑濟得慶更生歡呼載道其未成  
災地方有實係乏食窮民臣於肇慶東西北三門  
各設粥廠買米煮粥自四月二十六日起給粥一  
個月初時每日止二萬餘人日漸增多竟至五六  
萬人今早稻陸續收成令其各散回收穫合併奏

聞臣謹

奏

朕在此正為粵東米貴憂慮覽奏朕懷甚慰

同日又

奏為彙報擒獲洋盜事竊臣因今春米貴窮民多有  
乘間偷越出海為盜者隨嚴督巡海官兵竭力查  
拏去後節據陽江縣報稱三月二十七日在太平  
驛地方營縣盤獲陳亞璉等二十二名詢係登岸  
洋盜又據香山協報稱拏獲行劫潮陽縣商船戶  
洋盜譚建平等三名押解前來供出同夥二十八  
人現將供出各盜分行提拏又據廉州府同知遊

擊等拏獲一起曾玉等供出在海行刼載穀船一隻同夥十七人已經全獲等情除發按察司逐案審解撫臣審

題外自拏獲數起之後海上已覺平靜且早稻登場米糧日賤出海為盜之人自少再查盜犯等行刼多在中路海面臣已將偷安不職統巡中路之護理虎門協副將事都司黃洪圖分巡虎門守備林石香山都司余元隆及千把總等俱

題叅革職以為怠玩之戒合併

奏明臣謹

奏

能如此嚴緝盜匪以靖地方庶無忝封疆重寄甚屬可  
嘉

同日又

奏為酌議沿海緊要鎮營貯積穀石以備兵食事竊  
照廣東素稱魚米之鄉然生齒繁庶家鮮積蓄一

歲兩次收成僅足餬口而潮州一府界連福建田  
少人多即遇豐歲米價猶貴於他郡民間賴有常  
平捐積等穀每年平糶接濟惟營內兵丁家口日  
繁一遇米貴即食用難支臣細籌通省形勢擇其  
緊要者先為預備議於南澳鎮城貯穀二千石鎮  
屬之澄海協貯穀一千五百石海門營貯穀一千  
二百石達濠營貯穀五百石潮州總兵駐劄潮州  
府城貯穀三千石鎮屬之黃岡協貯穀一千五百

石潮陽營貯穀八百石碣石鎮貯穀三千石鎮屬  
之惠來營貯穀八百石平海大鵬二營各貯穀一  
千二百石又提標五營駐劄惠州府城貯穀五千  
石督標連水師六營及肇慶城守營貯穀七千石  
以上共貯穀二萬八千七百石連造倉運腳並穀  
價共該銀一萬六千零二十兩臣蒙

聖恩補授兩廣總督收稅各府向有茶果銀兩臣經  
奏明除每年食用及一應公事之外尚有餘剩是皆

皇上之所賞賜即為

皇上兵丁貯穀備荒每年遇青黃不接時借給各兵於  
秋收散餉時令其照數買還槩免加息年年如是  
其穀責成各營將備經管提鎮盤查倘有侵蝕缺  
少

題叅追賠本應俟穀石買足之後

題報今臣接到部文奉

旨陞見除咨明署督臣阿克敦行催各鎮營務在實買

貯倉并

題請定例永久遵行外理合

奏明臣謹

奏

積貯穀石以濟兵食實為美舉且籌計亦屬恰當知道了

同日又

奏為恭繳



硃批奏摺事竊臣陸續奉到

硃批臣奏摺共一十六件臣俱跪接一一凜遵訖所有  
原奉

硃批奏摺理合恭繳再臣於上年十一月內據瓊州府  
知府岳綸將奉過

訓旨具摺回奏請臣代為恭  
進等情臣隨遣人齎摺進

呈及奉到

硃批知所奏與

聖訓大相懸殊可見該員粗率鄙俚

訓旨下頒全無領會正在發回飭諭間而岳綸已經撫

臣楊文乾

題叅離任似無庸令其重寫進

呈理合回

奏臣謹

奏

知道了岳綸真可謂庸材實係不應姑留之人

雍正四年六月十五日兩廣總督臣孔毓珣謹

奏為欽奉

上諭事雍正四年六月初八日臣齎摺人回粵奉到

硃批諭旨臣跪讀之下不勝歡忭踴躍念臣庸碌之人

仰荷

硃恩叨膺封疆重任未得一覲

天顏恭聆

聖訓犬馬依戀之私日夕難安是以不避瑣瀆屢次陳請今蒙

恩准得遂微忱河工事宜臣前任邳睢同知時所管不過偏隅識見有限總河臣齊蘇勒任事年久料理自必合宜臣先到河工與之和衷商酌悉心籌畫盡臣愚見請

旨遵行臣候阿克敦到來所有一切事件并地方情形臣當逐一向其說知然後遵

旨起程所有欽遵緣由并奉到

硃批諭旨理合恭繳臣謹

奏

今春因朱家海決口合龍復潰朕心甚憂猶幸桃汛伏  
汛水勢平靜諒無大患矣卿仍遵前旨過淮見河臣齊  
蘇勒與之悉心商酌可也

議奏藍鳳條陳六事所議甚是摺留中待卿到京面諭  
雍正四年七月二十二日兩廣總督臣孔毓珣謹

奏為奏明防禦狝苗遁逸事案照雍正四年五月二

十四日准廣西提臣韓良輔咨准貴州提督馬會  
伯咨開廣順府屬長寨羊城地等處因擒拏狝賊  
阿進等一案安汛設塘乃各寨狝苗恃險塞隘不  
容修建營房已調官兵撫剿恐克苗奔逸隣省請  
檄交界營汛撥發官兵堵禦等因到提督轉咨到  
臣除附近交界營汛經提臣飭撥官兵防禦外臣  
即檄行廣西思恩府知府會同營弁嚴加堵禦去

後本年七月十五日據思恩府屬之西隆州稟稱  
探得貴州提督調發官兵進剿猺苗五月初七日  
分路前進已取得長寨并十三小寨今克苗俱奔  
至羊城地上其地高險官兵現住長寨地方地後  
係大箐界近粵西徑通泗城等情稟報到臣臣即  
分飭廣西按察司思恩府并思恩副將泗城副將  
等多撥官兵在於交界要隘處所會同堵禦毋使  
克苗遁逸仍將情形不時探報等因并咨廣西貴

州撫提諸臣查照各在案事關防禦克苗理合奏

聞臣謹

奏

此事朕曾再三籌度狎苗甚為跳梁非加一番懲創不可因命舉行今據該撫提諸臣奏報業經剿撫平定矣

同日又

奏為奏明事竊臣題覆原任撫臣年希堯疏參鹽商查良石即石興祚控告高州府知府郭志道套埠



吞本一案經部議駁查奉

此等事情即該部不行駁查朕亦必不容朦朧完結也  
旨這事情著交巡撫楊文乾另行審明具奏欽此除郭

志道有套埠吞本聽撫臣另審外臣查此案緣湖  
廣糧驛道許大定虧空銀米供出石興祚借欠伊  
銀七千兩准湖廣巡撫咨追石興祚業因鹽餉未  
完將商名查良石告退躲避獲後控官旋即病故  
臣於伊子石之瑜名下追銀完項在案今准部駁  
內開石興祚因不能完餉告退何病故後伊子即

能將七千兩之項照數完納等語指駁誠是但其間實有隱情彼時石興祚見伊子被獲自知難免遂具套埠吞本情辭將郭志道控告以圖推卸未經質審遽爾病故伊子石之瑜質對無辭竟自承認臣思石之瑜乃異鄉赤貧之人承認銀七千兩係抵補許大定虧空帑項難容懸待轉飭承審各官完銀定案郭志道係解任質審之員以為是非已得明白急圖結案暗中代為完項臣以帑項為

重知此情由聽其代完是實但不早為奏出愚昧之罪無可置辯理合據實

奏明仰祈

聖恩矜宥臣不勝惶悚畏慄之至臣謹

奏

是非自有定論朕亦豈得偏私俟該撫審明結案後看雍正四年十一月十五日兩廣總督臣孔毓珣謹奏為奏

聞晚禾收成米糧價值事竊照廣東省廣惠潮三府屬  
低田晚禾於七八月間兩次被水經撫臣楊文乾  
會

題在案今據布政司詳委幹員查勘惟廣州府之東  
莞增城清遠花縣與惠州府之歸善博羅共六縣  
沿江低窪之處成災幸俱未多目下栽種雜糧亦  
甚茂盛其餘各府州收成自六七分以及八九分  
不等通省合計約有七分米價廣惠肇韶南五府

屬每石自一兩至一兩二三錢不等潮州府屬每石一兩五六錢高雷廉三府屬每石自七錢至八九錢不等至廣西省晚禾通省收成俱有八分各屬米價每石自六錢起至九錢一兩不等兩省地方寧謐合并奏

聞臣謹

奏

覽兩廣秋成深慰朕懷

同日又

奏為奏明微臣交印起程日期事竊臣於六月二十日准兵部咨開奉

旨廣州將軍員缺著阿克敦署理俟石禮哈到廣州阿克敦將將軍印務交付石禮哈之後孔毓珣再起程來京孔毓珣起程之後阿克敦再署理兩廣總督印務欽此今廣州將軍臣石禮哈於十一月初九日抵廣州任臣欽遵

聖諭將一切事宜備悉與署督臣阿克敦說知於十一月十六日交印起程所有雍正三年九月初七日奉到海洋事宜

硃批諭旨一道與

硃批臣議覆金鐸條奏摺一道因撫臣楊文乾提臣萬際瑞尚未畫一議覆不能會奏今臣起程遵將

諭旨二道面交署督臣阿克敦俟撫提二臣覆到會

奏所有微臣起程遵

旨先往河工日期理合奏

聞臣謹

奏

母因急欲見朕將河工事宜不行詳悉商酌而草率塞責亦不可故意耽延稽遲日月

雍正四年十二月二十九日兩廣總督臣孔毓珣  
謹

奏為奏明微臣已到河工日期請



旨恩准協理河務事竊臣遵

旨自廣東肇慶府起程先往河工日期業經

奏報在案今於雍正四年十二月二十九日至江南  
徐州地方由邳宿桃源清江高堰中河一帶查勘  
至於應行修理緊要之處臣必悉心相度再同總  
河臣齊蘇勒通盤商酌另

奏外臣思河工關係重大兩廣地方雖屬緊要然內  
外諸臣才堪辦理者多而曾任河官者少臣壯年

時曾為河員於河務畧有分曉現今蒙

皇上軫念民生不惜帑金修築一切緊要工程俾萬世  
永賴伏懇我

皇上天恩賜臣以副總河職銜協同催督工程相地防  
險奔走查勘以佐河臣齊蘇勒精力之不逮臣盡  
心竭力務期和衷共濟以盡臣區區圖報之愚衷  
仰懇

聖恩俯允再照前奉

聖諭將修理事宜妥議後請

旨來京但臣瞻

天念切懇

恩准臣同河臣會議具

題後一面即起程赴京合先請


旨恭候

命下欽遵臣謹

奏

仍遵前旨行毋違至於爾之宜廣宜淮朕自權輕重而  
酌量任用

硃批諭旨卷七之二



總校官庶吉士臣侍朝

校對官編修臣馬啟泰

謄錄監生臣羅佑湘